

Senatu, che siano uniti con Lutrech e fazi li 1000 fanti.

Fu posto, per li Savii, una letera a sier Alvise Gradenigo orator nostro a Roma, che 'l parli al Papa di danni fa il suo exercito sul brexan, et mandarli li sumarii di le letere di Brexa di tal danni, et si debbi doler al Papa etc.

Et in consonantia si scriva a l' orator è apresso la Cesarea Majestà, et fu presa. Ave

Fu posto, per li Consieri, Cai di XL e Savii, *cum sit* che a l' orator dil re Christianissimo, che morite, fusse fato venir certo vin e il dazio monta ducati 20, che 'l sia posto a conto di la Signoria nostra; et fu preso. Ave 120 di sì, 13 di no.

Fu posto, per li Savii, atento che per li Sindici fusse fato certi ordeni in favor di distrituali e contadini di Noal, che li ditti capitoli per il Colegio nostro siano confirmati per li do terzi di le ballote, *ut in parte*; fu presa. Ave 121, 24, 5.

75* Fu posta, per li Savii, certa reformation dil Colegio di 15 Savii sora li extimi di padoana e trivisana, *videlicet* elezerne altri 20 per Colegio apresso li 15 zà electi, e si reduzino con che numero potrano, *dummodo* per 7 balote sia expediti, *ut in parte*; la copia sarà posta qui soto. Ave 146 di sì, 16 di no.

76

Exemplum.

MDXXI, die VII Novembris, in Rogatis.

Sier Gasparo Malipiero, sier Donatus de Legge, sier Marinus Mauroceno *Sapientes super aquis.*

Et fu preso in questo Consiglio, sotto di 17 Settembre 1520, per dar suffragio a l' officio de i Savii nostri sopra le aque a li cavamenti necessarii, che potesseno comutar bandi facti *ad tempus* ne li luogi nostri da parte de terra *cum* deliberation del Consejo nostro de XL criminal, presi per i do terzi de le ballote. Et perchè se presentono *in dies* molti banditi a tempo per i nostri rectori da parte de mar al dicto officio di le aque *cum* diverse oblation, o non vulgar beneficio de la Signoria nostra, *maxime* tractandose et deliberandose tal materia *cum* il prefato Consiglio nostro al criminal,

L' anderà parte: che per auctorità di questo Consiglio i dicti Savii nostri sopra le aque habino quella instessa auctorità in li bandi *ad tempus* dati per li rectori nostri dei luogi da mar fin questo zorno che hanno in le cose de luogi nostri da terra ferma, *cum* la condition de haver la carta de la pase, i non in-

tendendo i banditi de l' insula de Candia per esser quelli deputati a le fabriche de quella; *cum* dechiaration *etiam* che li bandi che *de coetero* se componevano da parte da terra, habino la carta de la pase. De parte 92, de non 34, non sinceri 5.

NICOLAUS CAVATIUS
Ducalis notarius.

Di campo vene letere di 5, hore 2 di note, da 77^d
Soncino, dil provedador Griti e sier Polo Nani.
Come tutto lo exercito nostro erano passati a Son-sin lasando bon numero di cavalli lizieri sul brexan, acciò i nimici non facesseno danno; et che monsignor di Lutrech col campo era partito di Cremona con le zente erano alozate in li borghi, lassando bon presidio de li, et veniva verso Lodi, et havia mandato per la Geradada a brusar strami e romper mulini, far condur vini in Cremona e altrove; et vol insieme con li nostri resister non passino i nimici Adda etc. A Milan si fa provision di fantarie per gelphi etc.

Di Brexa, di rectori et provedador Pexaro, di 6, hore 18. Mandano alcuni avisi dil campo pontificio, quali sono questi: Questa matina, lo campo di spagnoli, qual era a Manerbi et per quelle terre, sono levati et vano a li Orzinuovi, et li sguizari vano a Pompiano, sicome si ha inteso, et sono levati, et cussi quelli erano a Porzano. Questa matina, si ha esser venuto uno comandamento del reverendissimo cardinal sguizaro a Bagnol, che si dovesse mandar dui homeni per comun da lui, perchè vole conferir con loro tutte cose per utile suo, et il simile è stato fato a Piovedici; et che per el dito loco di Bagnol è stà mandato a veder quello che vole. Si ha *etiam* inteso che 'l conte Bortolo di Villa Chiara ha passato uno domino Marco Antonio de le Balestre con uno stoco da banda in banda, per causa de uno astor. *Item*, come hanno, per uno altro aviso, come li sguizari, che erano a Leno, et quelli erano in Porzano, questa matina, per tempo, se levorno et parte sono andati a la volta de Pompiano, et parte a la volta de li Orzinuovi.

A di 8. La matina, vene l' orator di l' Imperador in Colegio a la prima audientia acompagnato da sier Francesco Corner el cavalier, sier Sebastian Contarini el cavalier, li dotori e alcuni altri di Pregadi da numero 20. Lui era vestito di veludo cremesin fodrà di lovi, con una cadena al collo; nome,

(1) La carta 76* è bianca.